

АКАФИСТ

ПРЕСВЯТОЙ БОГОРОДИЦЕ

в честь Её иконы

«ЖИВОНОСНЫЙ
ИСТОЧНИК»



Издательство Московской Патриархии
Русской Православной Церкви
Москва 2019

УДК 27-528
ББК 86-372
А38

Рекомендовано к публикации
Издательским советом
Русской Православной Церкви
ИС Р19-927-3397

**Акафист Пресвятой Богородице
А38 в честь Её иконы «Живоносный
Источник».** — М.: Издательство Мос-
ковской Патриархии Русской Право-
славной Церкви, 2019. — 48 с.

ISBN 978-5-88017-812-4

© Издательство Московской
Патриархии Русской
Православной Церкви, 2019



**АКАФИСТ
ПРЕСВЯТЁЙ БОГОРО́ДИЦЕ
В ЧЕСТЬ ЕЯ ИКО́НЫ
ЖИВОНО́СНЫЙ ИСТО́ЧНИК**

Конда́к 1

Избра́нней от всех родо́в
Влады́чице Богоро́дице,
благодáтную по́мощь нам
явля́ющей, похва́льная воспису́-
ем Ти раби́ Твои́, Богоро́дице. Ты
же, я́ко Преблага́я Ма́ти Бо́жия,
изле́й на нас вели́кия и богáтыя

милости Твоёя, недуги наша исцели и скорби утоли, да благодарственно зовём Тебё:

Рáдуйся, Владычице, Живонóсный Источниче милости неоскудевающия.

Икос 1

Архангел и Ангел множество недоумевают Тебё, Матерь Бóга Сло́ва, на водах зёмлю утвердившаго, разумно хвалити по достоянию. Мы же, честнейшая Херувим и славнейшая без сравнения Серафим, во умилении о Твоих благодеяниях, на нас бывших, дерзаем звати Тебё:

Рáдуйся, Владычице, Бóгом Отцём избранная; рáдуйся, Духом Святы́м осиянная.

Рáдуйся, рождеством Сы́на Бóжия превознесённая; рáдуйся, в женах благословённая.

Рáдуйся, Богородицею величаемая; рáдуйся, от всех родов убожаемая.

Рáдуйся, Владычице, Живонóсный Источниче милости неоскудевающия.

Кондак 2

Видящи, премилосёрдная Мати, Слепца́, в пустыни блуждающаго и от жажды страждущаго,

источник воды живыя целительныя показала еси; он же, исцеление улучив, благодарственно возопи: Аллилуйя.

Икос 2

Разумев воевода глас Твой Божественный, исцеления ради слепца источник воды указующий, позна его яко купель Силоамскую, иже не токмо жаждущаго напоет, но и от слепоты того свободает. Мы же милости Твоея, Дево Богородице, ищущи, взываем Тебе сие:

Радуйся, Владычице, купель спасения живописующая; радуй-

ся, слепоту душевную и телесную исцеляющая.

Радуйся, разслабленных утверждение; радуйся, хромых хождение.

Радуйся, Мати Света, слепым очи отверзающая; радуйся, светом истины во тьме сидящая озаряющая.

Радуйся, Владычице, Живоносный Источниче милости неоскудевающая.

Кондак 3

Гила Вышняго осеняет всех, с верою и благоговением притекающих к Живоносному Источнику Твоему, Пречистая Госпоже

Владычице. Сего ради силою
благодати его осени и нас, Бого-
мати, смиренно к Тебе припада-
ющая и молебна о Тебе вопию-
щая: Аллилуйя.

Икос 3

Имущи богатство милосер-
дия неизреченное, Владычице,
всем болящим руку помощи
Твоея, недуги врачующую, стра-
сти исцеляющую, в Живоноснем
Источнике Твоем простираеши;
сего ради вопием Тебе сие:

Радуйся, источник непреста-
ющая радости; радуйся, чаше не-
изреченных благости.

Радуйся, сокровище благодати
неоскудеваемое; радуйся, милос-
ти у Тебе просящим скоро сию
подающая.

Радуйся, недугов различных
исцеление; радуйся, печалей на-
ших утоление.

Радуйся, Владычице, Живонос-
ный Источнике милости неоску-
девающая.

Кондак 4

Бурею недоумения слепец сму-
щашеся, воды ища жажду уто-
лители. И се, якоже древле, силою
Божиею из камне вода исто-
чися; тако и ныне в пустыни

безводней источник явися. Тамо Моисей, источник воды; где Ты Самá, о Богомáти, Служительница чудесé. Тémже молимся: жаждущия дýши нáша благочестия напо́й вода́ми, да зове́м о Тебе́: Аллилу́ия.

И́кос 4

Глы́ша воево́да дивный глас Твой, Ма́ти милосе́рдия, источник воды́ указу́ющий, во е́же жаждущаго напо́йти и слепоту́ его́ исцелíti, и сбытиé словéс Твои́х зря, возопи́ сйце:

Ра́дуйся, Влады́чице, страда́льцев утеша́ющая; ра́дуйся, боля́щих возставля́ющая.

Ра́дуйся, немýм уста́ разреша́ющая; ра́дуйся, всех немощны́х врачующая.

Ра́дуйся, бédствующим помощéние; ра́дуйся, уныва́ющих утешéние.

Ра́дуйся, Влады́чице, Живонóсный Источниче мýлости неоскудева́ющая.

Конда́к 5

Божéственную во́ду от Живоно́снаго Источника Твоего́, то́ки благодáти излива́ющего, почерпа́юще во исцелéние неду́гов душе́вных и телéсных, Дéво Богороди́тельнице, благодарственно вопи́ем о Тебе́: Аллилу́ия.

И́кос 5

Ридеша лю́дие слепца́, водо́ю Живонóснаго Исто́чника Твоего́ прозрѣвшаго, Богома́ти, потща́шася пѣсньми я́ко дара́ми послужіти Тебе́ си́це:

Ра́дуйся, Влады́чице, милосѣрдія двѣри вѣрным отверза́ющая; ра́дуйся, надѣющихся на Тебе́ не посрамля́ющая.

Ра́дуйся, бѣдствующих утеша́ющая; ра́дуйся, от напáстей свобождáющая.

Ра́дуйся, изнемога́ющих укрепля́ющая; ра́дуйся, недугующих врачúющая.

Ра́дуйся, Влады́чице, Живонóсный Исто́чнице мѣлости неоскудева́ющая.

Конда́к 6

Проповѣдник чúда Твоего́, Ма́ти Бóжия, бысть воево́да, я́ко дѣивно слепѣц водо́ю от Живонóснаго Исто́чника Твоего́ прозрѣ, си́це и нам тѣмныя зѣницы душе́вныя просвети́, да благодарственно проповѣдуем мѣлости Тво́я, зовúще: Аллилу́ия.

И́кос 6

Розсия́ нам Живонóсный Исто́чник Твой, премилосѣрдная Ма́ти, многоразличную благода́ть Сы́на Твоего́ и Бóга на́шего,

Христá Жизнодávца, источáяй.
Сегó рáди принóсим Ти пéния
сицевáя:

Рáдуйся, Влады́чице, усёрдная
на́ша Засту́пнице; рáдуйся, хра́-
мов Бóжиих Хранíteльнице.

Рáдуйся, святых обите́лей пре-
сла́вная Игу́мение; рáдуйся, в
и́ночестве подвизáющихся вра-
зумлéние.

Рáдуйся, мона́шествующих в по-
слушáнии укреплéние; рáдуйся,
всех христиáн покрóв и защищё-
ние.

Рáдуйся, Влады́чице, Живонóс-
ный Исто́чнице мило́сти неоску-
дева́ющая.

Конда́к 7

Хотя́ благочестивый Лев вое-
во́да, ему́же ца́рство предрек-
ла́ еси́, благодарственная при-
нести́ Тебе́, храм на ме́сте явлé-
ния Твоего́ чудесе́ устрои, Жи-
вонóсный Исто́чник наименова́в
о́ный, да вси по́мощи Твоея́ и́щу-
щи зде обрета́ют ю́, вопиюще
о Тебе́: Аллилу́ия.

И́кос 7

Но́вая купе́ль Силоáмская, па́че
но́ныя дрéвняя, яв́ися, Пре-
чи́стая Влады́чице, храм Твой, в
не́мже поклоня́емся ико́не Жи-
вонóснаго Исто́чника, и́бо не

единою в лето и токмо первее
входящим здравие тела подаеши,
но вину всякий недуг душевный
и телесный врачуеши. Сего ради
вопием Тебе:

Радуйся, купеле, скорби наша
погружающая; радуйся, чаше ра-
дования, в печали утешение по-
дающая.

Радуйся, камению, жаждущия
жизни напоаяя; радуйся, древо,
горькия воды моря житейского
улаждающее.

Радуйся, источник животвор-
ная воды неисощимый; радуй-
ся, бане, греховную скверну со-
вести наша омывающая.

Радуйся, Владычице, Живонос-
ный Источник милости неоску-
девающая.

Кондак 8

Странное и преславное чудо
явися храм Живоноснаго Ис-
точника Твоего, Богородице, в
немже жажда духовная и телес-
ная утоляется, и болезнями одер-
жимии исцеляются. Мы же, бла-
годать такую прославляюще,
вопием Ти: Аллилуия.

Икос 8

Всем с верою приходящим на
Живоносный Источник Твой

вся потрібная подаёши, преміловитая Госпоже Богородице. Тёмже благодарственно вопиём Тебё сїце:

Ра́дуйся, Влады́чице, яко Тобо́ю Безплотный воплотіся; ра́дуйся, Де́во, яко чистоте́ Твоёй А́нгели удивішася.

Ра́дуйся, страждущих ма́терей утешёние; ра́дуйся, ча́д безма́терних охранёние.

Ра́дуйся, младе́нцев воспитáние; ра́дуйся, ю́ных Настáвнице.

Ра́дуйся, Влады́чице, Живоно́сный Исто́чнице мїлости неоскудева́ющая.

Конда́к 9

Всякое естество́ А́нгельское и Человёческое дивітся милосёрдию Твоему́, Пресвятáя Де́во, яко всегда́ и всем явля́ешься Помо́щница и Засту́пница, пою́щим о Тебё: Аллилу́ия.

И́кос 9

Ветіи многовещáннии не мб́гут воспёти досто́йно Живоно́сный Исто́чник неисто́щїмыя благода́ти Твоея́, ниже́ изъяснїти сілу чудес Твоїх, во исцелёние недужных и на всякую пользу́ душе́вную и телёсную челове́ком явля́емую. Мы же похва́льная воспісу́ем Тебё сїце:

Ра́дуйся, хра́ме Бо́га Жива́го;
ра́дуйся, жили́ще Ду́ха Свята́го.

Ра́дуйся, А́нгелов сла́во; ра́дуйся,
вселённыя держа́во.

Ра́дуйся, ми́ра спасе́ние; ра́дуйся,
ве́рных упова́ние.

Ра́дуйся, Влады́чице, Живоно́с-
ный Исто́чнице ми́лости неоску-
дева́ющая.

Конда́к 10

Спасти́ хотя́щи вся стра́ждущия,
исто́чник жи́зни явила еси́ ми́рови,
Пресвята́я Богоро́дице, в вода́х благода́ти,
да вси, в ско́рбех и печáleх исцеле́ние
и утеше́ние прие́млюще, благо-
да́рно зове́м о Тебе́: Аллилу́ия.

И́кос 10

Гтенá и покрóв в бедáх и ну́ж-
да́х по́мощи Твоея́ прося́щим
су́щи, Влады́чице ми́ра, Живо-
но́сный Исто́чник всем явила еси́,
да бу́дет от всяких болéзней
огражде́ние, в напа́стех и печáleх
утеше́ние вопи́ющим Ти тако-
ва́я:

Ра́дуйся, Влады́чице, го́рдых
и стропти́вых челове́к усмире́-
ние; ра́дуйся, лука́вых и злых
наме́рений пресече́ние.

Ра́дуйся, оби́димых заступле́-
ние; ра́дуйся, неви́нных оправда́-
ние.